

Cuntegn

4	Messadi dal president
6	SRG.R – Activitads da la societad
10	Premi SRG.R 2018 al chor d'affons Sumvityg
12	Rapport dal Cussegħi dal public
14	Quint annual
15	Bilantscha
16	Rapport dal post da revisiun
17	Nov president
18	Rapport dal mediatur
20	La structura SRG SSR per 2018
22	Gremis da la SRG.R per l'onn 2018
25	SRG.R – La commembranza
26	Adressas SRG.R

Oscar Knapp, president SRG.R

Punts da valur extraordinaria

Quai è stà mes ultim onn al timun da la SRG.R. Suenter l'elecziun – er per mai surprendenta – il zercladur 2012 hai jau pudi manar la societad purtadra durant sis onns.



Oscar Knapp,
president SRG.R

Quai è stà ina lezia zunt nobla, interesanta ed instructiva. Mia lavur m'ha possibilità dad etablir in pli stretg contact cun la Svizra rumantscha ed uschia da pudair defendar ses interess en il ravugl naziunal ed en il Cussegl d'administraziun da la SRG SSR. Jau hai er pudi collavurar ed emprender d'enconuscher l'interpresa RTR: in vair center da nossa diversitat idiomatica e culturala ed ina cumprova vi-va co che nus Rumantschs e Rumantschas pudain ans chapir en nossa diversitat.

La contribuziun da RTR a questa convivenza è per nossa lingua e cultura nunpajabla. Cun quai na vuless jau en nagina maniera diminuir l'importanza da RTR sco instituziun d'infurmaziun sin ils champs da la politica, da la cultura e dal sport. Las punts ch'èn vegnididas construidas tras la lavur da RTR ils ultims decennis èn da valur extraordinaria per nossa lingua e cultura.

Che la populaziun rumantscha apprezie-scha fitg l'esistenza e la contribuziun dad RTR ha demussà il resultat da la vota-

ziun dals 4 da mars cleramain: Cun 77,2% ha il chantun Grischun refusà l'iniziativa sustegnida be da la PPS. Cun passa 80% NA è stada la refusa en il territori rumantsch anc pli auta. L'engaschament da nossa societad e da sia commembranza è stà grond e la tenuta da la squadra da RTR durant tut la perioda difficile avant la votaziun exemplarica.

Suenter questa victoria resti important da mantegnair il momentum. Quai vala tant per nossa societad purtadra sco er per l'interpresa RTR. Nus stuain mantegnair noss engaschament en il dialog inizià cun il public durant la campagna, e RTR sto sviluppar sia offerta e mantegnair ses aut nivel da qualitat. Il process per canticuar cun quest schlantsch e demonstrar a noss public la valur da las contribuziuns da RTR ed il medem moment prender encunter propostas e criticas, vulain nus realisar en stretga collavuraziun cun la direcziun da RTR.

Il resultat da la votaziun dals 4 da mars è er stà il signal per mesiras da spargen en

la SSR. Sin nivel naziunal sto la SSR spargnar 100 milliuns francs l'onn – enturn 7% dal budget. Per rivar a questa summa vegn la SSR a stuair stritgar projects en las immobiglias, spargnar tar las expensas administrativas, per part stritgar programs ed er plazzas da lavur. Diferentes mesiras da spargn èn vegnididas decisas. Quella che ha dà la pli blera critica en la politica è stada la decisiun da la midada da la part infurmaziun SRF da Berna a Turitg che stuess vegnir realisada a partir da la fin 2020.

Er RTR n'è betg exclus da mesiras da spargn – ma fin ussa han ins pudì impedir da relaschar persunal. Per nus in punct central è er da mantegnair la structura decentrala cun las antennas en las vals ed en la chapitala federala.

Bler è vegnì realisà en la SSR e bler resta anc da far. La basa per l'avegnir sin il champ da las medias e da RTR è vegnida formulada en il project da la nova lescha da medias. Quel project cuntegna tschertas deblezzas. Il pli grond buc han

ins prestà giu Berna cun abolir en il sboz da la nova lescha l'obligaziun da manteignair vinavant il Radio Rumantsch. Sa chapescha che nus avain reagì immediat da maniera adequata. Jau poss confermar che la pli auta instanca politica a Berna deplorescha questa mancanza en il sboz da la lescha e vegn a procurar da la curreger.

La situaziun da las medias na vegn en l'avegnir betg pli simpla, bain il cuntrari. Quai vala particularamain er per las medias rumantschas. Nossa societad vegn a s'engaschar vinavant enslemen cun RTR per chattar ina soluzion acceptabla che garantescha er en l'avegnir l'esistenza da medias rumantschas.

A la societad SRG.R restan bellas ed interessantas sfidas. Jau n'ai nagins dubis che mes successur, dr. Vincent Augustin – elegì da la radunanza generala ils 26 da matg 2018 a Landquart – las vegn a prender per mauns cun plachair, schlantsch ed effizienza.

2018 – in onn plain emozjuns

Ils emprims mais dal 2018 è l'iniziativa
No Billag stada omnipreschenta.

La situaziun è stada fitg delicata per la SRG SSR, en spezial era per las interpresas da radio e televisiun (SRF, RTS, RSI, SWI e RTR) ch'avevan da rapportar a moda neutrala davart in'iniziativa che periclitava lur existenza. Qua ha l'uniu purtadra, la SRG SSR, pudi mussar ch'ella porta en il vair senn dal pled sia chasa da medias. L'atun 2017 aveva la SRG.R mess en pe ina grupper da laver, la SRG.R Avegnir, che ha organisà diversas occurrentzas per far attent a las consequenzas da quest'iniziativa.

La grupper ha tramess brevs d'infurazion a tut las societads da musica, als chorus, a las gruppas da teater, las uniuns da turissem, da purs e da sport da l'entir Grischun. Brevs da lecturs, inserats ed acziuns en collavurazion cun autras organizaziuns han dà a questa laver l'attenziun mediala necessaria. En 14 vitgs èn 14 interpretas ed interprets sa preschentads a favur d'in NA a l'iniziativa No Billag. Er en las medias socialas ha la SRG.R Avegnir pudi esser fitg activa grazia a l'elan da la

Pro Svizra Rumantscha. Fitg preschenta è er stada la Lia Rumantscha. Tranter auter ha ella organisà in'acziun gronda a la staziun principala da Turitg.

Cun forzas unidas èsi uschia reüssì da persvader l'entira populaziun svizra da dir NA a quest'iniziativa. La SRG.R è fitg engraziaivla per il grond sustegn ch'ella ha resentì durant quest temp difficil. In cordial engraziel fitg a tut las commembraus ed ils commembers per lur donaziuns ed insumma a tut tgi che ha contribuì en ina furma u l'autra a quest success.

Oscar Knapp a la Manifestaziun
organisada dals cineasts.ch
en collavurazion cun il Chantun
da cultura Grischun.





Vincent Augustin ed Oscar Knapp suenter la radunanza generala 2018

Ina radunanza generala ch'è ida a cor

A la radunanza generala a Landquart, ils 26 da matg 2018, han ins sentì il levgiament davart il naufragi da l'iniziativa No Billag. Il pled da bainvegni dal directur dal Plantahof, Peter Küchler, sco er il salid da la regenza, dal cusseglier guvernativ Martin Jäger èn stads pulpids cun cumpliments concernent il cumbat cunter No Billag. Er il directur general, Gilles Marchand ed il president da la SRG SSR, Jean-Michel Cina n'han betg tralaschè da ludar la SRG.R per ses engaschi.

A la radunanza 2018 è vegnì elegì il successur dal president partent Oscar Knapp. La radunanza è suandada la proposta da la suprastanza ed ha elegì l'advocat surmiran dr. Vincent Augustin per quest post. L'adia al president partent Oscar Knapp è stà fitg emozunal. La directura da RTR ha laschè discurrer la musica ed ha chantà, ensemen cun in chor ad hoc da collavuraturas e collavuraturs da RTR, in medley davart pliras staziuns da la vita dad Oscar Knapp.



La SRG.R a la ex18 a Mustér...

La SRG.R ha surdà quest onn il premi 2018 al Chor d'affons da Sumvitg. Impresiuns da questa surdada chatais sin la pagina 10.

Nizzegiar resursas

L'onn 2018 ha la SRG.R fatg fitg bunas experientschas cun collavurar cun differentas organisaziuns da linguat e cultura sco per exemplu la Lia Rumantscha u la Pro Svizra Rumantscha, ma er cun las societads affiliadas sco la SRG.Ostschweiz

u la SRG.D. Questas resursas vul l'uniu er nizzegiar vinavant. In punct impur-tant è er la collavuraziun cun RTR. I dat adina puspè bellas chaschuns d'accumpa-gnar RTR ad acziuns da promozion.

Il 2018 èn quai tranter auter stadas: la festa da vin a Fläsch, la premiera dal film Amur senza fin a Sagogn u er la ex18 a Mustér. La SRG.R ha schizunt fatg in pass sur ils cunfins. Ils 8, 9 e 10 da zercladur è ella numnadamain stada a la festa da chant Rezia Cantat a Chiavenna.



...ed a la festa da chant chantunala a Chiavenna

In guard en il futur

La SRG.R vul nizzegiar il schlantsch da la votaziun cunter No Billag per restar en dialog cun la populaziun. En in lavoratori ha la suprastanza mess sin maisa ideas ch'i vala uss d'analisar e valitar. En il decurs dal 2019 vul la SRG.R collavurar anc pli intensivamain cun RTR ed autres organisaziuns per tschertgar e chattar meglier il dialog cun la populaziun.

Premi SRG.R 2018 al Chor d'affons Sumvitg

Il mantegniment e la promozion da la lingua e cultura rumantscha – quai è tranter auter ina finamira da la SRG SSR Svizra Rumantscha (SRG.R). Cun il premi ch'ella surdat mintg'onn dapi il 1960 undrescha la SRG.R persunalitads ed organisaziuns che s'engaschan per la cultura e la lingua da la Svizra rumantscha.

A chaschun da la radunanza generala 2018 a Landquart ha la SRG.R surdà il premi SRG.R 2018 al Chor d'affons Sumvitg en renconuschientscha da l'engaschi per la cultura da chant. Persvadi ha la suprastanza da la SRG.R en spezial il grond engaschament dals uffants, ma er dals responsabels dal chor ch'exista dapi il 1998 e che po pia festivar quest onn ses 20avel anniversari. Quest chor cun passa 50 chantaduras e chantadurs tranter 6 e 16 onns è in bun mussament che la cultura da chant viva e prosperescha. Ozendi che mintga uffant ha tantas pussaivladdas d'organisar ses passatemp na sa chapescha quai betg da sez ch'ils uffants van a chantar en in chor.

Che l'engaschament dals commembers dal Chor d'affons Sumvitg ed en spezial da lur dirigenta Flavia Walder-Hublard porta fritg, mussa il fatg che la chanzun In siemi da Gion Balzer Casanova cun in text da Silvana Candreia, chantada dal chor, è daventada l'onn 2011 in veritabel hit al Radio Rumantsch.

En sia laudatio ha il cusseglier naziunal Martin Candinas menziunà ch'il chor d'uffants da la vischnanca da Sumvitg saja daventà entaifer quests 20 onns d'esistenza in chor d'uffants da Laax enfin Sestrin. Blers chors hajan da sbatter cun la digren da commembers – qua dettia il Chor d'affons Sumvitg in bel cuntrapunct. Che quai saja uschia, saja cunzunt il merit da la dirigenta Flavia Walder che haja surpiglià il chor avant 12 onns. Ella haja pu-dì motivar adina dapli uffants, e blers dad els restian en il chor enfin ch'els vengan or da scola.

Il chor d'uffants saja fitg activ, saja quai cun dar concerts, far part a festas da chant u cun realisar projects sco musicals u collavuraziuns cun outras furmaziuns da chant e musica. Il chor na tschertgia dentant betg mo la gronda tribuna. El già ja adina puspè er a chantar en chasas d'attempads ed haja perquai ina gronda valur per la regiun.

Il chor d'affons
Sumvitg ha chantà
durant la surdada
dal premi SRG.R 2018



Observaziuns dal Cussegl dal public SRG.R

Il 2018 è il Cussegl dal public da la SRG.R sa radunà quatter giadas. El ha redigì dudesch raports e discutà quels cun ils responsabels da RTR. Las discussiuns avertas e constructivas han purtà mida-das a favur da la qualitad.

Observaziuns

Ils sustants puncts centrals e las suan-dantas emissiuns e contribuziuns da tut ils vecturs èn stads durant l'onn 2018 en il focus pli stretg da las observaziuns dal Cussegl dal public SRG.R:

- 1 la qualitad da la lingua discurrida e scritta sin tut ils vecturs da RTR
- 2 las medias socialas e la pagina-web da RTR
- 3 la votaziun dals 4 da mars 2018
- 4 sport – ils rapports davart ils gieus olimpics d'enviern a Pyeongchang, davart il campiunadi mundial da ballape en Russia e davart il Maraton da skis engiadinalis 2018
- 5 nossastorgia.ch – in archiv da foto-grafias veglias rimmnadas da privats che vegn publitgà tar RTR sco album da fotografias online

6 Accents – il magazin che vegn spedì mintga traís mais a tut ils commem-bers da la SRG.R ed ad auters abu-nents cun infurmaziuns internas da-vart emissiuns, occurrenzas e mu-taziuns tar RTR

7 la participaziun da noss cussegl a duas observaziuns naziunalas: +3 ed ils auters, gli altri, die anderen, les autres

Il diever correct da la lingua discurrida e scritta è adina puspè in tema en las se-dutas da noss cussegl. Las redacturas ed ils redacturs resp. las moderaturas ed ils moderaturas pli giuvens vegnan sco-lads dad Anna-Alice Dazzi e Prisca Bigiel e survegnan uschia in sustegn impur-tant per dar dumogn a las pretensiuns.

En l'emprima seduta dal cussegl 2018 ha Anna-Alice Dazzi sensibilisà ils com-members per las schanzas e las difficul-tads da la lavour da redacziun quotidiana.

In impurtant pass enavant ha RTR fatg il 2018 en connex cun il dumber d'utilisa-

ders e la qualitat en las medias socialas. Era tar RTR è la vegliadetgna media dal public enturn 60 onns u dapli. Cun la via instradada en las medias socialas dispona RTR d'in instrument per attrair anc dapli public giuven. Il dumber dals livestreams emess è s'augmentà: occurrentzas da sport regiunalas sco gieus da ballape e da hockey pon vegrir transmessas uschia directamain a chasar il public. Il dumber d'aspectaturas e d'aspectaturas pli aut dat raschun als realisaders.

A las occurrentzas da sport pli grondas è RTR stà preschent al lieu cun fitg pauc personal (2–4 personas a Pyeongchang ed en Russia). Pitschens, ma prezios descriva perfetgamain ils engaschaments da RTR.

Las dumengias da votaziuns e d'elezioni vegnan concepidas a moda profesionala era tar RTR sco tar tut las unitads da la SRG SSR. Surtut a chaschun d'elezioni e da votaziuns communalas è RTR l'emprim post da consultaziun per infurmaziuns.

nossaistorgia.ch fascinescha e collia il public da RTR. Persunas privatas tra-mettan fotografias veglias raras da pli baud (persunas e vitgs) che vegrin alura ordinadas tenor il tema/lieu e publitgadas en l'internet. Uschia crescha la collezioni onn per onn e daventa ina perditga impressiunanta da temps passads.

La lavour dal Cussegli dal public

Pliras giadas ad onn represchentan ils commembres dal Cussegli dal public l'uniun da la SRG.R a chaschun d'exposiziuns e da festas. L'onn 2018 essan nus per exemplu stads preschents a la Fiesta dil marcau a Glion, a la festa da vin a Fläsch ed a l'exposiziun da mastergn e commerzi ex18 a Mustér.

Mintga quart onn organisescha noss cussegli ina seduta extra muros. Questa giada ha ella già lieu en la claustra benedictina a Mustér.

Il servetsch da mediaziun da la SRG SSR Svizra Rumantscha

Il servetsch da mediaziun da la SRG.R ha survegni durant l'onn da gestiun ina reclamaziun, numnadaman en connex cun ils rapports davart il revelader Adam Quadroni. Questas tractativas n'èn anc betg terminadas. Dapli infurmaziuns chattais en il rapport dal mediatur sin pagina 18 e 19.



Roger Tuor

Quint annual

	2018	2017
Entradas da gestiun	348 276.65	375 813.40
Contribuziuns commembranzas	21 264.00	21 250.00
Contribuziuns SRG SSR (incl. TPV)	324 715.60	325 620.00
Tschains ed ulteriuras entradas	687.05	1 127.30
Entradas SRG.R Avegnir	1 610.00	27 816.10
Expensas da gestiun	-335 233.00	-342 080.35
Expensas organs	-153 800.70	-156 731.85
Expensas organs da l'uniu	-84 350.65	-88 963.60
Expensas organs da surveglianza	-56 956.55	-55 513.05
Radunanza generala	-12 493.50	-12 255.20
Lavur publica	-61 711.60	-69 948.45
Occurrentzas	-15 078.00	-24 864.00
Publicaziuns	-23 838.50	-24 064.60
Representaziun e contacts	-1 954.45	-4 019.85
Projects per rinforzar la sociedad	-12 690.65	-9 000.00
Premi SRG.R	-8 150.00	-8 000.00
Premi schurnalistic	-0.00	-0.00
Expensas administrativas	-119 720.70	-115 400.05
Infrastructura e paja secretariat	-89 771.40	-84 413.70
Material, stampats	-3 975.80	-2 143.05
Portos, contabilitad, spesas banca etc.	-6 815.30	-8 797.50
Taglia sin plivalur	-19 158.20	-20 045.80
Expensas extraordinarias	-82 971.90	-27 816.10
Expensas SRG.R Avegnir	-82 971.90	-1 486.00
Attribuziun a retenziun avegnir	-0.00	-26 330.10
Total Prelevaziun	34 330.10	
Prelevaziun a retenziun avegnir	26 330.10	
Prelevaziun per projects SRG.R	8 000.00	
SURPLI EXPENSAS/ENTRADAS	-35 598.15	5 916.95

Bilantscha

	31-12-2018	31-12-2018	31-12-2017	31-12-2017
Activas	227 097.84		308 405.64	
Banca chantunala CK 090.817.700	73 907.54		71 385.44	
Banca chantunala CA 090.817.701	0.00		0.00	
Banca chantunala 00 090.817.701 avegnir	0.00		27 181.95	
Banca chantunala 00 090.817.702	0.00		49 985.00	
Banca chantunala 00 090.817.703 (depot)	26 664.20		16 465.80	
Banca chantunala 00 090.817.700 USD	165.85		188.90	
Taglia anticipada	761.85		519.15	
Activas transitoricas	691.45		116.10	
Vaglias	124 906.95		142 563.30	
Passivas	227 097.84		308 405.64	
Crediturs	0.00		1 000.00	
Passivas transitoricas	11 181.00		13 906.75	
Retenzion vaglias	28 446.59		36 100.39	
Retenziuns/reserva projects SRG.R	17 000.00		25 000.00	
Retenzion SRG.R avegnir	0.00		26 330.10	
Facultad	206 068.40		200 151.45	
Resultat annual	-35 598.15		5 916.95	
	227 097.84	227 097.84	308 405.64	308 405.64

Rapport dal post da revisiun

**Sco post da revisiun avain nus controllà
la contabilitad ed il quint (bilantscha,
quint da gudogn e sperdita) da la SRG SSR
Svizra Rumantscha per l'onn da gestiun
terminà ils 31 da december 2018.**

Nossa controlla avain nus fatg tenor ils princips renconuschids che la controlla sto vegnir planisada ed exequida uschia ch'ins eruescha cun gronda segrezza sbagls essenzials en il quint annual. Nus avain examinà ils posts e las indicaziuns dal quint annual cun agid d'analisas e retschertgas a basa d'emprovas da controlla. Plinavant avain nus giuditgà l'applicaziun dals princips da facturazion relevant, las valitaziuns generalas e la preschentaziun dal quint annual sco entir. Nus essan da l'opiniun che nossa controlla saja ina basa suffizienta per noss giudicament.

Tenor noss giudicament correspundan la contabilitad ed il quint annual a la lescha ed als statuts. Nus recumandain d'approvar il quint annual 2018.

Ils revisurs da la SRG.R



ANDRI LANSEL

Fiduziari cun certificat
professiunal federal



GIACHEN CADUFF

Econom da manaschi (SEA)

Nov president



num	Augustin
prenum	Vincent
num usità	Vinci
data da naschientscha	29 da favrer 1956
naschè a	ospital da Savognin
lieu da domicil	Mon
stadi civil	betg maridà
uffants	1 figl ed 1 figlia
linguatgs	4 linguatgs naziunals, englais, latin
fan da	ballape
fradgliuns	trais
animals da chasa	nagins
menu preferì	tut, ma bun
il damangiar il pli sgarschaivel	gnocs cun cua
il pli bel film/seria	Tatort
cudesch preferì	René Girard: Achever Clausewitz
musica che va a cor	classica, p.ex. Mahler
lieu preferì	nagin
hobis	leger

Reclamaziun en connex cun l'actualitat da mezdi

dals 25 da matg 2018
e raports online

Situaziun da partenza

I. In auditur ha fatg la reproscha che RTR haja violà la concessiun da la SRG SSR en l'emissiun Actualitat mezdi dals 25 da matg 2018 ed en ils raports online, essend che las pretensiuns resumadas sco suonda sin la pagina d'internet na sajan betg vairas:

«Ils advocats intervegnan

Persuenter han tant l'advocat da Quadroni, sco er l'antierieur derschader federal Giusep Nay, surprendì tut ils contacts cun las medias ed els han fatg pretaisas envers RTR. Uschia han els vulì cundecider tge dumondas ch'ins possia far ad Adam Quadroni e tgeninas betg.

Strategia da medias

Cun tgi che Quadroni discurra cura, han ils advocats empruvà da manischar. Uschia ha il whistleblower discurri suenter l'artitgel en la Repu-

blik cun la Schweizer Illustrierte e cun la Rundschau dad SRF. A RTR è adina puspè vegnì ditg da spetgar.»

Sin insistenza da pliras medias saja signur Quadroni la finala stà pront da dar curtas intervistas davart ses sa sentir oz, haja dentant refusà consequentamain a tut las medias, uschia era ad RTR, da responder sin dumondas investigativas cunter sia persona. A quellas medias che sajan stadas d'accord cun questa restricziun haja el accordà intervistas, a tut las autres dentant betg, e perquai era betg ad RTR che n'haja betg vulì far sco las otras.

II. Flavio Bundi, schefredactur da RTR, ha prendi posiziun envers questa critica sco suonda (extract):

1. «En la contribuziun avain nus ditg che tant l'advocat da Quadroni sco era l'antierieur derschader federal Giusep Nay hajan surpiglià tut ils contacts

cun las medias e ch'els hajan fatg pretaisas envers RTR.

Il protestader ha scrit a la redactura Anna Caprez da RTR, che aveva contactà en scrit il represchentant legal dad A. Quadroni, ch'i dettia in'intervista cun A. Quadroni, sche insumma [anc] pussaivel, mo sur el.»

2. «En e-mails dal represchentant legal dad A. Quadroni èn vegnidas tituladas dumondas da schurnalists sco admessas u betg admessas. Ultra da quai èsi era vegnì menziunà explicitamain sut tge cundiziuns ch'ina intervista è admesa e cura betg, resp. tge dumondas che pon vegnir fatgas. Plinavant han ins ditg a la redactura, ch'aveva tramess las dumondas ordenant al represchentant legal dad A. Quadroni, ch'ella stoppia repassar las dumondas e possia pir alura contactar A. Quadroni. Ultra da quai ha el explitgà tge che duess star en il center dal rapport.»

3. «Questa contribuziun ha infurmà, pertge che RTR ha renunzià ad in statement dad A. Quadroni.»

Ponderaziuns

1. Sin fundament da divers e-mails na pon ins betg dir che las suandatas pretensiuns da RTR en l'emissiun da radio Actualitat da mezdi dals 25 da matg 2018 u en la resumaziun online sajan nunvairas:
 - a L'advocat da signur Quadroni sco era l'antierur derschader federal dr. Giusep Nay hajan surpiglià tut ils contacts cun las medias.
 - b Els hajan fatg pretensiuns envers RTR.
 - c Els hajan vułi cundecider tge dumondas che RTR possia far ad Adam Quadroni e tgeninas betg.
 - d Cun tgi che signur Quadroni discurria cura, hajan ils advocats empruvà da manischar.

En vista da quai ch'è vegnì ditg n'ha RTR tenor mai betg fatg pretensiuns, cun las qualas il cumond d'objectivitat è vegnì violà.



Toni Hess

La structura SRG SSR per 2018

Radunanza da delegads SRG SSR

Cussegli d'administraziun SRG SSR

President Jean-Michel Cina

Secretari central

Beat Schneider

Manader revisiuns internas

Jean-Blaise von Arx

23 100 commembres/-bras per la fin 2018

SRG.D

SRG Deutschschweiz

Andreas Schefer, Präsident

RTS

Radio Télévision Suisse Romande

Jean-François Roth, président

Corsi

Società cooperativa per la Radiotelevisione svizzera italiana

Luigi Pedrazzini, presidente

SRG.R

SRG SSR Svizra Rumantscha

Oscar Knapp, president

Regionalrat

Regional-vorstand

Conseil régional

Comité régional

Consiglio regionale

Comitato del Consiglio regionale

Cussegli regional

Suprastanza

*Publikumsrat
Susanne Hasler, Präsidentin*

*Conseil du public
Matthieu Béguelin, président*

*Consiglio del pubblico
Raffaella Adobati Bondolfi, presidente*

*Cussegli da public
Roger Tuor, president*

*Ombudsstelle
Roger Blum*

*Organe de médiation
Raymonde Richter*

*Organo di mediazione
Francesco Galli*

*Servetsch da mediaziun
Toni Hess*



Il Cussegli regional da la SRG.R – sin la foto mancan Romana Ganzoni,
Ruth Sonder, Andreas Cadonau ed Adrian Conrad

Gremis da la SRG.R per l'onn 2018

La suprastanza SRG.R

Ella maina las fatschentas da la SRG.R ed è responsabla per tut ils fatgs che n'èn betg reservads expressivamain per in au-ter organ tenor lescha u tenor ils statuts e reglaments d'organisazion da la SRG.R e da la SRG SSR.

OSCAR KNAPP, a. ambassadur, *Scuol*,
(president)

BEATRICE BASELGIA, deputada, *Domat*,
(vicepresidenta)

GION COLA, directur Center da Sanadad
Savognin SA, Riom

DR. GION LECHMANN, rectur da la Scola
chantunala grischuna, *Cuiria*

DONAT NAY, manader da la chasa per at-
tempads Casa s. Martin a Trun, *Zignau*

Il Cussegli regiunal SRG.R

Il Cussegli regiunal (CR) cumpiglia 15 per-
sunas (diesch elegidas da la radunan-
za generala e tschintg elegidas da la su-
prastanza). Il CR (presidià dal president

SRG.R) ha l'incumbensa da far enconu-
schent la funcziun politica e sociocultu-
rala da la SRG.R e francar RTR en la popu-
laziun rumantscha. La suprastanza SRG.R
assista al CR cun vusch consultativa.

OSCAR KNAPP, president ed ils commem-
bers da la suprastanza

Elegids entras la radunanza generala:

ANDREAS CADONAU, pur e schurnalist,
Vuorz

VITUS DERMONT, rectur e scolast, *Laax*

GIAN PEDER GREGORI, linguist, *Panaduz*
BARBARA RIEDHAUSER, terapeuta
cumplementara, *Ziràn*

JAN SEDLACEK, climatolog, *Sent*

ANNALETA SEMADENI-KAISER, transla-
tura e dissegnadra da construczion,
Andeer

RUTH SONDER-AUGUSTIN, commer-
zianta e pura pensiunada, *Salouf*

MICHAEL E. SPESCHA, chanzlist,
Glion/Illanz

PATRIC VINCENZ, commerziant e notar
regiunal, *Savognin*, (vicepresident CR)

LINARD WEIDMANN, interprendider e deputà, *Champfèr*

Elegids entras la suprastanza:

SERAINA BICKEL, commembra suprastanza communală *Zernez*

ADRIAN CONRAD, econom da manaschi, *Fuldera*

ROMANA GANZONI, autura e presidenta da la vischnanca burgaisa, *Schlarigna*

PATRICK SCHANEL, manader acquist da terren tar l'uffizi da construcziun bassa GR, *Sumvitg*

LEO THOMANN, president communal da *Surses, Parsonz*

Il Cussegli dal public

Il Cussegli dal public (CDP) cumpiglia 15 persunas. Da quellas èn 8 (incl. il president) elegidas da la radunanza generala, quatre èn elegidas da la suprastanza SRG.R e trais èn cooptadas dal CDP. Il CDP è in organ consultativ che persequitescha il svilup ed ils products dal program da RTR.

Elegids entras la radunanza generala:

ROGER TUOR, manader da scola, *Mustér*, (president)

PASCAL GIAN CAMINADA, collavuratur scientific, *Cura*

SELINA CRIVELLI-CADUFF, manadra finanzas/personal tar adm. communală *Lumnezia, Cumbel*

ALEXI NAY, inspectur da scola, *Vella*

URSINA SCHMED-CATHOMAS, mainafatschenta, *Trun*

GIANNA SONDER, architecta ETH, *Präz*

CURDIN TUOR, econom da manaschi, *Trun*

ADRIAN VILETTA, scolast secundar, *Scuol*

Elegids entras la suprastanza:

LUCREZIA BERTHER, psicoterapeuta, *Glion*

GIANCARLO CONRAD, scolast, *Müstair*

URSIN DEFUNS, musicist, scolast da musica e rumantsch, *Mustér*

CLAUDIA NICOLAY-NUOTCLÀ, massadra med. CCS e chasarina, *Ftan*

Cooptads dal Cussegli dal public

GION CAPEDER, mainafatschenta, *Gams*

CARMEN DEDUAL, scolasta e manadra Regiuns LR, vice-presidenta CDP, *Parsonz*

TINA VULPI, scolasta, studi da germanistica ed istorgia, *Ostermundigen*

Represchentanza SRG.R en ils organs da la SRG SSR il 2018

Cussegli d'administraziun SRG SSR:

OSCAR KNAPP

Radunanza da delegads SRG SSR:

OSCAR KNAPP, BEATRICE BASELGIA,
DONAT NAY

Cussegli regional da la SRG.D:

OSCAR KNAPP, GION COLA,
GION LECHMANN

Cussegli dal public SRG.D:

ROGER TUOR, LUCREZIA BERTHER

Da sanester:

Suprastanza SRG.R:

Donat Nay, Beatrice
Baselgia, dr. Gion Lech-
mann, Oscar Knapp
(i manca Gion Cola).

Directur general
Gilles Marchand.

Direcziun RTR:

Ladina Heimgartner,
Pius Paulin, Flavio
Bundi, Beat Lozza,
Gian Rammig (i manca
Tamara Deflorin).



SRG.R – La commem- branza

325	Surselva
188	Grischun Central
178	Engiadina
185	Cuira e conturns
43	ulteriur Grischun
108	ulteriura Svizra

**1027 Dumber da commembras
e commembres SRG.R
per ils 31-12-2018**

Adressas SRG.R

SRG SSR Svizra Rumantscha

Secretariat
Sandra Carisch-Killias
Via da Masans 2
7002 Cuira
Telefon +41 (0)81 255 79 79
sandra.carisch@srgsr.ch
www.srgsr.ch



Sandra Carisch-Killias

Servetsch da mediaziun

dr. iur. Toni Hess
Böschenstrasse 79
7000 Cuira
Telefon +41 (0)81 257 33 26
toni.hess@stv.gr.ch



Toni Hess